

Adrian Schneider nov manader da l'Investment Center BCG

Il 2020 orientescha la banca ils products d'investiziun a moda persistente

Cuira, ils 8 d'october 2019 – Adrian Schneider è dapi il 1. d'october 2019 manader da l'Investment Center da la Banca Chantunala Grischuna (BCG). Sia antecessura Martina Müller-Kamp è da nov commembra da la direcziun e responsabla per l'unitad da fatschenta Prestaziuns dal martgà.

Fin a sia midada tar la BCG è Adrian Schneider stà activ otg onns en il sector finanziel, e quai cun accent sin il management da portfolio. L'econom da 34 onns è creschì si a Cuira, è maridà ed abita a Triesen. Suenter ses diplom da master en Banking and Financial Management è el sa perfecziunà sco analist da finanzas, manager da ristgas e spezialist d'investiziuns alternativas. Cun sias cumpetenzas ed experientschas en ils secturs analisa da finanzas, economia da manaschi ed informatica prenda el damai cun sai las meglras premissas per ademplir cun success las sfidas futuras en l'Investment Center da la BCG.

Investment Center da la BCG – la cumpetenza en dumondas d'investiziun è en chasa

L'incumbensa principala da l'[Investment Center](#) intern è da determinar la strategia d'investiziun da la BCG. Spezialistas e spezialists qualifitgads procuran che tut las infurmaziuns relevantas en connex cun ils martgads da finanzas stettian a disposiziun da tut temp a las cussegliastras ed als cussegliastrs. Plinavant observan ed analiseschan Adrian Schneider e ses team da var 40 personas ils eveniments als martgads da finanzas globals e valiteschan ils svilups da quels. Investiders privats ed instituziunals profiteschon da soluziuns d'investiziun individualas sco era d'ina purschida d'agens [fonds d'investiziun](#).

In'orientaziun persistente dals products d'investiziun

Il 2020 orientescha la BCG sia entira paletta da products d'investiziun a moda persistente. En connex cun la decisiun d'investiziun resguard'ins en futur criteris ESG, pia criteris che pertutgan l'ambient, ils fatgs socials e la gestiun d'interpresa. La direcziun è persvasa che la BCG fa uschia ina contribuziun ad in mund pli persistent. Ultra da quai è in portfolio senza criteris da persistenza sco motors da rendita nunimaginabel.

Contact per ils collavurats da medias e per investurs:

Banca Chantunala Grischuna, Medias & Investor Relations, chascha postala, 7001 Cuira
Thomas Müller, thom.mueller@gkb.ch, telefon +41 81 256 83 11
Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per personas privatas, l'economia ed il maun public. La banca occupa 999 collavuraturas e collavurats (stadi dals 30-06-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaint semestral preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quòta a la bursa dapi ils 10 da settember 1985.

Termins

Quint annual 2019: 7 da favrer 2020
Radunanza dals participants: 25 d'avrigl 2020